

**DOCTORI
SERAPHICO
PAUPERCULAE
MINORITICI
ORDINIS...**

Geremia Martellini



DOCTORI SERAPHICO

PAUPERCULÆ MINORITICI ORDINIS FAMILIÆ

SPLENDORI FULGENTISSIMO, CATHOLICÆ FIDEI,
ET ECCLESIASTICÆ DIGNITATIS VINDICI
ACERRIMO, PRÆSULI SANCTISSIMO

DIVO BONAVENTURÆ

EPISCOPO ALBANENSI

ET S. R. E.

CARDINALI EMERITISSIMO

PATRONO SUO SINGULARI

SE HASQUE SUAS THEOLOGICAS PROPOSITIONES IN PERENNE
HUMILLIMÆ DEVOTIONIS ARGUMENTUM

D. D. D.

P. F. JEREMIAS MARTELLINI

A C R E M A

ORD. MIN. REG. OESER. S. P. FRANCISCI, PROVINCIÆ
BRIKIENSIS ALUMNUS, ET IN PATAVINO S. FRANA-
CISCI MAGNI-LYCEO S. THEOLOGICÆ AUDITOR.

Cuilibet Professori, ac Doctoti, post
tertium, contradicendi jus esto.

P R Æ F A T I O.

Nihil fortasse delectius, opportunius nihil in hac teterrima temporum conditione judicaverim, Auditores Ornatissimi, quam de plane Divina Christianæ Religionis origine, præstantia, necessitate; de Ecclesia, de Romano Pontifice, deque Conciliis in Scholis differere, publicisque concertationibus, in quibus veluti in palæstris ii, qui in Sacra Militia athletas fortissimos ad tuendam Fidem ac vindicandam comparare se se debent, & exerceantur & roborentur, ut inde invictissimo muniti ejusdem Fidei clypeo, potentissimisque instructi omnigenæ eruditionis, solidæque doctrinæ armis, non gliscentes modo, sed etiam audacissime ubique gentium grassantes perditorum hominum præcipuos errores adorianur, profligent, conterant, dissipant. Annon enim eo maxime spectant subdola hominum iniquorum Sophismata, conatus, irrisiones, ut fontes illos vivificos, ac feracissimos, e
*
qui-

quibus uberrimæ hauriuntur aquæ celestis sapientia in vitam salientes sempiternam, insistant opinionum suarum pravitate, turbent, corrumpant, aspernentur? Nonne videmus hinc impudentem Incredulorum turbam, qui ne ulli suæ injiciant frana licentiæ, sed ut liberius, securiusque indulgeant voluptuosis cupiditatibus, easque nullò aspergant aterni supplicii, Deique vindicis amore, Divinam quamque excutiunt Religionem, ac veritates omnes, quas afflante Superno Spiritu Prophetæ, Apostoli, Christus ipse nobis tradiderunt: illinc pervicacem Novatorum, vel etiam asfentatricem Politicorum cohortem, ex quibus alii Ecclesiam; scilicet immaculati Agni sponsam sine ruga, ac sine macula renitentem, calumniis, convitiis, maledictis proscindunt; alii ipsam, in qua ceteroquæ fuit in mundis sua summum inest, Juri adeo produnt subjiciuntque Civiliam Potestatem, ut non Mater libera, qualem predicat Apostolus, sed ancilla, notisque servilibus ad dejectionem, infamiamque distincta esse videatur? Quid de Romano Pontifice dicam, cujus Supremam in Ecclesiam universam Jurisdictionem, Auctoritatemque minuunt æquo nimium, vel etiam prorsus eliminant; & quidem non ii tantum, qui propalam velutque ex instituto heterodoxæ, quam prostentur, Religionis, sed illi quoque, prob infandum scelus! illi, inquam, ipsi, qui puriorem sanctioremque affectant Disciplinam, sententiarumque Patrum

tram se se plenis buccis , & scriptis iactitant
acerrimos vindices , ac restauratores obsequentis-
simos? Quid de Sacris Conciliis ? Novi equidem
Hæreticos homines eadem flocci facere , & asper-
nari ; immo vero atrocissimam in ipsa bilem totis
faucibus evomere , eo scilicet perditissimo consi-
lio , ut vel novos erroris discipulos sibi per
summam nefas adsciscant , vel sectatores suos in
jam hausta digestaque detineat perfidia . Sed hos
dimittamus , habeamusque , secundum Christi Domi-
ni institutionem , tamquam Ethnicos , & Publica-
nos . Illud maxime dolendum , quosdam scilicet ,
qui erant in nobis , sed non ex nobis , veluti
lupos rapaces non parcentes Gregi Christi , insur-
rexisse adversus Concilia etiam Œcumenica in iis
presertim , quæ ipsorum damnatis erroribus sunt
opposita , dumque ad futuram Concilium interpo-
nunt , vel saltem approbant Appellationem , iam
habita , firmata , omnibusque Orthodoxis cujuscvis
Ordinis Ecclesiasticis viris probatissima contemne-
re , vel fraudulenter ad suas partes trahere , ac
contorquerè . O turpem notam temporum ! Eja igitur ,
viri sapientissimi ; quid moramur ? Hos omnes
sanctissimæ Religionis nostræ osores confertis in
unum consiliis ac doctrinis sanctæ persequamur ,
defatigemus , conteramus , ut vel saniora tandem
aliquando sapiant , quo equidem nihil optabilius ,
vel ad minus fidelium animis , quos Deus Opti-
mus Maximus summa beneficentia sua ad miracu-
lum ,

lum, quasi dixerim, hactenus sibi servavit inson-
tes, pestilentissimum virus, quod longe, lateque
diffusum est, haud subrepat in futurum. Atque
utinam tanta in me esset doctrina copia, tanta ar-
gumentorum vis, ac robur, tanta denique fandi,
certandique potestas, ut facinus tam grande, tam
egregium, tamque catholico viro dignum, & ag-
gredi, & prosequi, & absolvere, ut par est,
valerem. Sed cum vires ad tantum opus mihi
deesse sentiam; quod aperto Marte nequeo, intra
angustos Sacri huiusce loci, vestrique conspectus
limites præstabo. Adstet mihi dicenti, opemque
ferat suam Seraphicus ille Doctor Sapientissimus
ac Sanctissimus BONAVENTURA, vere Israelita
sine dolo, cujus doctrina concrevit sicut pluvia,
& ut ros fluxit eloquium, quasi stilla super gra-
mina, ~~quique perpetuo insectatus est Fidei ho-~~
stes, devicit, profligavit. Ad vos, quod attinet,
Auditores ornatissimi, illud haud dubie mihi pol-
liceor, nempe, ut maxima vestra, qua soletis,
humanitate me disputantem sustentetis, ac fovea-
tis. Dicebam.

D E

MILITANTE CHRISTI ECCLESIA.

DE ea Ecclesia, quam pretioso suo I. Sanguine Christus fundavit, quæque columna est, & firmamentum veritatis, adversus quam portæ inferi nunquam prævalébunt, pro nostri instituti ratione, ipsiusque Ecclesiæ dignitate, agentes, cam ita cum Bellarmino describimus: *Cætum hominum viatorum, unius ejusdemque Fidei Christianæ professione, & eorundem Sacramentorum communione adunatum sub regimine legitimorum Pastorum, & præcipue Romani Pontificis.*

Quam descriptionem, contra blateran- II. tes tum veteres, tum recentiores Hæreticos, veluti accuratam, ac legitimam definitionem habemus.

Nec in ea definitione, etsi legitimo- III. rum Pastorum mentionem faciat, no-

* ij

vi,

vi, ac inauditi vel tantillum offendere est, ut Launojus comminisci audeat. *Illi, inquiebat olim Cyprianus, sunt Ecclesia, plebs Sacerdoti adunata, & Pastori suo grex adharens* (1).

IV. Existere vero ejuscemodi Ecclesiam, seu Religionem, qua homines unam Fidem profitentur, unumque Deum signo sensibili, seu sacramento colunt, is concedat oportet, qui Deum in omni genere perfectissimum, rerumque omnium conditorem, ac moderatorem providentissimum esse concedit: facultates enim, quas a Deo accepere homines, ad ipsius gloriæ declarationem referendas teneri natura universa clamat.

V. Verum illius Ecclesiæ, seu Religionis speciem, naturamque, quod a libera Dei voluntate pender, quæ humana ratio scrutari, aut assequi potest, nisi Deus ipse manifestet? Ergo solus Deus est immediatus auctor Ecclesiæ.

VI. Atque hinc quis non derideret Atheos, Incredulos, Deistas, aliosque Religionem ipsam, & Ecclesiam hominum inventum, & opera arbitrantur?

VII. Doctrinæ, quam Ecclesia profitetur, in-

(1) Epist. 69. ad Pupianum.

5
inscrutabilis altitudo, & mysteria, faten-
tibus Naturalistis, superant hominum ca-
ptum, suntque extra aciem humani in-
genii: ergo ea ratiocinando invenisse
Philosophum supponi non potest, alias
comprehensum ingenii sui foetum, &
ideas haberet.

Jam vero si nullius hominis ratio quam- VIII.
tumvis acuta, mysteria hæc attingere va-
leat, nec imaginandi vis, seu facultas in-
telligendi, quæ non nisi circa objecta vel
sensibus nota, vel intellectu comprehensa
versari potest, reconditam mysteriorum
naturam prosequi ullo modo valet: ergo
velle in ea imaginando forte incidisse
phanaticum, idem est, ac leges naturæ
evertere.

Item, faventibus Incredulis, mysteria IX.
hæc repugnant hominum propensionibus:
ergo nec ex iisdem originem trahere po-
terant, nec unquam obtinuissent homi-
num approbationem, nec quispiam in
iisdem suam posuisset Religionem, nisi
Divinæ confirmata essent auctoritate.

Incomprehensibilitas ergo Doctrinæ X.
Christianæ, missis cæteris argumentis,
ejus originem omnino Divinam eviden-
ter ostendit.

Atque Evangelicum consilium hominis XI.

* iij ad

ad Religionem instituendi non per naturalem rationem, quæ, lacrymosa experientia teste, erroribus undique scatet, sed per Fidem, humanum dici, & esse nullo pacto potest.

- XII. Convictis, atque ita derisis Incredulis, non minus deridemus Judæos nulum Religionis nostræ, & Ecclesiæ vestigium antiquis temporibus extitisse autumantes. *Omnes enim, qui ab initio sæculi fuerunt justī, caput Christum habebant . . . & in ejus Fide & ipsi sanati sunt, in ejus & nos: ut esset & ipse totius caput civitatis Jerusalem (1).*
- XIII. Quare contendimus Ecclesiam substantialiter sumptam extitisse ab ipso Mundi exordio in lege naturæ, & scripta.
- XIV. Immo eo progressi sumus, ut ab ipsismet præcise Protoparentibus nostris Adam, & Eva potius, quam vel Abel, vel Enos, vel alio quovis, contra nonnullos etiam Catholicos, Ecclesiæ ipsius initium auspicemur.
- XV. Verum quoad completam, perfectamque sui formam auctorem habere dicimus Christum Dominum:
- XVI. Qui consummatis figurarum umbris, trans-

(1) Aug. Conc. 3. in Psal. 36.

7
traslato Sacerdotio, insimulque Lege, novam instituit Ecclesiam veteri longe perfectiorem, eamque mirabiliter ædificavit, perfecit:

Atque dum inter homines conversatus xvii. est, nedum spiritualiter, ut præ cæteris Pseudocatholicus Marcus Antonius de Dominis blasphemabat (1), sed etiam visibiliter per extrinsecum supremi Capituli ministerium ipsam Ecclesiam gubernavit, rexitque:

In tuto re adversus Incredulos, atque xviii. Judæos posita, Heterodoxos aggredimur, quos inter & nos Catholico-Romanos nullum dissidium est, ubi agitur de existentia Ecclesiæ, sed maximum cum inquiritur, quænam, & apud quos sit vera Christi Ecclesia. Ast quis felicem exitum tam pergrandis controversiæ obtinebit, nisi ex utraque parte certæ quædam notæ, atque characteres præsupponantur, quibus à quacumque alia hominum falsa societate vera Ecclesia secernatur?

Hæ vero notæ supponantur necesse xix. quoque est tam propriæ veræ Ecclesiæ, ut omnes collective sumptæ alteri societati convenire non possint; tam manifestæ,

* iiii

(1) In Op. de Republica Christiana.

stæ, ut verum medium sint ad eam demonstrandam; tam sensibiles, & cognitu faciles, ut omnes etiam rudes ad ipsam Ecclesiam, & Fidem adducantur; tam inseparabiles ut certam notitiam *evidentiæ credibilitatis* parere possint.

xx. Novatores ergo in meridiana luce cæcutiunt dum sinceram Dei prædicationem, atque legitimum Sacramentorum usum pro notis Ecclesiæ assignant. Utrumque in vera Dei Ecclesia agnoscimus, sed cum *singuli quique Hæreticorum cætus se potissimum Christianos, & suam esse Catholicam Ecclesiam putant (1), & habere puram Christi Doctrinam, ejusque Sacramenta, hoc commune omnibus Hæreticorum Sectis, Ecclesiæ notam esse negamus.*

xxi. Quid ergo? Altius exordiri debet, atque cum Constantinopolitanis Patribus, quibus adversarii nostri refragari non possunt, illam profiteri veram Christi Ecclesiam, quæ est *Una, Sancta, Catholica, & Apostolica.*

xxii. Ad Ecclesiæ Unitatem quod spectat, hanc divisionem non pati, simulque respicere tum Doctrinæ Fideique unitatem,
cum

(1) Lactan lib. 4. Inst. cap. 29.

cum Sacramentorum, subjectionisque legitimis Pastoribus fidenter sustinemus.

Cumque, Apostolo clamante, sicuti ^{xxiii.} unus est Deus, ita una est Fides, desipere sane quotquot cum Petro Jurio, posita divisione inter fundamentales, & non fundamentales Fidei Articulos, in istis, licet non in illis, unicuique sentiendi, prout maluerit, potestatem factam contendunt; quasi verum non esset, quod quicumque offendit in uno factus est omnium reus (1).

Qui ergo in aliquo vel in minimo Fi- ^{xxiv.} dei dogmate publice, aperteque Ecclesie Christi Unitatem dividit, ad eam non pertinet, & alienus erit a numero filiarum: nec habebit Deum Patrem, qui noluerit Ecclesiam habere Matrem (2).

Perpetam proinde omnino, sicuti & ^{xxv.} ceteri, qui hanc indivisam Unitatem scindunt, atque extra ipsam sunt, æternæ salutis consecutionem sibi adblandiantur. Neque enim vivere foris possunt, cum Domus Dei una sit, & nemini salus esse, nisi in Ecclesia, possit (3).

Vah!

(1) Jacob. cap. 2.

(2) Aug. lib. 4. de Symb. ad Catechum. cap. 13.

(3) Cypr. Epist. 62. ad Pomp.

XXVI. Vah! impium æque ac paradoxum Novatorum, atque Incredulorum Indifferentismum, seu Tolerantissimum Religionum!

XXVII. ^{*} Itaque vera Christi Ecclesia una est: una autem omnibus recensitis numeris exornata, sola est Romano-Catholica Ecclesia; ad quam propter potiorem principalitatem necesse est omnem convenire Ecclesiam, hoc est, eos qui sunt undique fideles, in qua semper ab his, qui sunt undique, conservata est ea, quæ est ab Apostolis Traditio (1).

XXVIII. His firmata, atque confecta veræ Christi Ecclesiæ Unitate, ejus Sanctitatem expendimus, atque ex eo deducimus, quod pro ea seipsum tradidit Christus, ut illam sanctificaret (2); quodque in ea nihil turpe, ac flagitiosum spectandum, imitandumque proponatur quoad mores, sed veri Dei præcepta insinuantur quoad Doctrinam Fideique professionem, miracula, quæ sæpè sæpius hæc omnia confirmant, narrentur, donâ laudentur, & beneficia postulentur (3).

XXIX. Dum vero pro uno ex Sanctitatis characteribus miraculorum virtus a nobis ita-

(1) Irén. lib. 3. adv. Hær. cap. 4.

(2) Eph. 5.

(3) Aug. lib. 2. de Civ. Dei cap. 28.

statuitur, ne rerum multitudine obruamur, supposita eorum possibilitate, & existentia, quod & Adversarii admittere debent, unum tantum propugnamus, signa esse miracula veram Ecclesiæ Sanctitatem demonstrantia.

Hoc novere atque facto ipso aliquando confessi sunt Heterodoxi, immo vel Mahumetani ipsi, quo acti consilio tentarunt miracula in suæ religionis confirmationem patrare. Verum id ipsis, ut Apostolis, atque Apostolicis viris, qui de *mortuis vivos faciebant*, non contigisse, sed potius, ut de *vivis mortuos faciant*, compertum est (1).

Operam ergo perdunt Sæctarii omnes, illuduntque incautis tantum, dum hanc pulcherrimam Sanctitatis dotem suis respectivis Sæctis congruere prætendunt.

Velint enim, nolint Sæctarii, quicumque illi sint, concedant est opus hac Sanctitatis prærogativa Romanam Ecclesiam gaudere, eandemque solam, ut oportet, sanctam esse.

Verum si de membris Ecclesiæ sermo instituat, scitu dignum puto, quod ubique commemoravi Ecclesiam non habentem

ma-

(1) Tertull. lib. de Præscript.

maculam, aut rugam, non sic accipiendum est, quasi jam sit, sed quæ preparatur, ut sit, quando apparebit, etiam gloriosa. Nunc enim propter quasdam ignorantias, & infirmitates membrorum suorum habet unde quotidie dicat: *Dimitte nobis debita nostra* (1); sed hoc ejus Sanctitati non officit.

xxxiv. Recta deinde progrediens Catholicam, seu per universum orbem diffusam, a finibus terræ, usque ad extrema (2) Christi Ecclesiam demonstramus nedum propter generalem ejus moraliter sumptam diffusionem, verum ob universalitatem ejusdem Doctrinæ, atque Communionis tam permanentis, quam successivæ.

xxxv. Num vero Protestantium conventicula, quæ respectu temporis nova, loci artibus limitibus circumscripta, doctrinæ varia sunt inter se, dum unusquisque proinde suo arbitrio modulatur, quæ accepit, quemadmodum de suo arbitrio ea composuit ille, qui tradidit (3), hac diffusionem gloriari possint? ipsi viderint.

xxxvi. Alios, quemadmodum olim Donatistas, ra-

(1) Aug. lib. 2. Retract. cap. 18.

(2) Cyril. Jerosolym. Catech. 18.

(3) Tertull. lib. de Præscript. cap. 42.

rationum vi pressos ut eam declinarent, eo insanix devenisse novimus, ut, contra luculentissima Scripturarum, ac Patrum testimonia, ausi sint proferre veram Christi Ecclesiam in paucis conservari. De paucitate gloriantur! Nonne *Parricida & pauci; & pessimi sunt* (1)? Impium sane deliramentum!

Ast vero Ecclesia Romana & semper, xxxvii. & ubique est, & in ea quoad suas Ecclesias particulares, *etsi in Mundo loquelæ dissimiles sunt, tamen virtus Traditionis una eademque est*. Et neque hæ, quæ in Germania sunt fundatæ, Ecclesia aliter credunt, aut aliter tradunt; neque hæ, quæ in Hiberis, neque hæ, quæ in Celtis, neque hæ, quæ in Oriente, neque hæ, quæ in Ægypto, neque hæ, quæ in Lybia, neque hæ, quæ in medio Mundi constitutæ (2); ea sola ut interest hac Catholicitate donatur.

Denique Apostolicam veram Christi xxxviii. Ecclesiam illam tuemur, a qua *traducem Fidei, & semina Doctrinæ cetera exinde Ecclesiæ mutuata sunt, & quotidie mutuantur* (3), & in qua nunquam interrupta fuit

(1) Aug. libr. 2. Op. imperf. cont. Jul. cap. 3.

(2) Iren. lib. adv. Hær. cap. 10.

(3) Tertull. de Præscript. hæret. cap. 20.

fuit series legitimorum Pastorum , qui cum Episcopatus successione charisma veritatis certum, secundum placitum Patris acceperunt (1).

XXXIX. Bene habet. Sed quænam hac prærogativa gaudet Ecclesia? Novatores more suo multa in unum congerunt, ut suam societatem Apostolicam ostendant. Sed, si sani esse velint, edant ergo origines Ecclesiarum suarum, quoad doctrinam: evolvant ordinem Episcoporum suorum ita per successiones ab initio decurrentem, ut primus ille Episcopus aliquem ex Apostolis, vel Apostolicis viris, qui tamen cum Apostolis perseveraverit, habuerit auctorem & successorem (2). Possunt imperitis fucum facere, sed suæ desperatæ causæ præsidium ullum habere non possunt.

XL. Ut hoc jugulum, quod maximum vel ipsi sensere, effugiant, Apostatæ homines Lutherus, & Calvinus, impudico ore debacchabantur se extraordinarie missos fuisse a Deo ad Ecclesiam Christi reformandam. Monstrum! exposcimus equidem, ut hujus extraordinariæ missionis characteres nobis ostendant.

Sed

(1) Iren. lib. 4. cap. 24.

(2) Tertull. de Præscript. cap. 32.

Sed fudent, seque præ rabie, ac fu-^{XLII.}
 rore contorqueant male feriatî homines,
 tamen contra ipsos fidenter propugnandum
 tam characteristicam veræ Christi Ec-
 clesiæ notam, ut est Apostolicitas, Eccle-
 siæ Romanæ eidemque soli congruere. Illa
 est in qua *tenet me ab ipsa sede Petri*
Apostoli . . . usque ad præsentem Episco-
patus successio Sacerdotum (1).

Ad invidiam ergo Romanæ Ecclesiæ^{XLIII.}
 conflandam procaciter calumniantur No-
 vatores, Ecclesiam Romanam aliquid ad-
 didisse Apostolicæ Fidei, aut immutasse
 in ea, interruptamque fuisse legitimorum
 Pastorum successionem.

Igitur Romana Ecclesia hisce chara-^{XLIII.}
 cteribus exornata, Unitatis scilicet, San-
 ctitatis, Catholicitatis, & Apostolicitatis,
 merito centrum est, & vinculum Catho-
 licæ Communionis; proindeque sola Ro-
 mana Ecclesia vera Christi Ecclesia re-
 nunciatur.

Hæc porro Ecclesia, præter notas,^{XLIV.}
 quibus ab aliis distinguitur societatibus,
 suas numerat proprietates, visibilitatem,
 nempe, indefectibilitatem, auctoritatem,
 & infallibilitatem.

Nos

(1) Aug. contr. Epist. Fundam. cap. 4.

XLV. Nos quidem devictis usque modo Adversariorum armis sperabamus, quod veram Christi Ecclesiam nobis ultro contederent; sed aliis pugnant armis, nosque ad bellum iterum provocant, allatas Ecclesiae dotes ausu temerario impugnantes. Ajunt itaque primo cum Luthero Ecclesiam Christi esse *margaritam absconditam, & sola fide perceptibilem*, seque tum in doctrina, cum in aliis Ecclesiae characteribus succedere illis piis, sanctisque hominibus, qui in medio Ecclesiae uti sub paleis criticum delitecebant: quare cum ipsi semper, dicunt, veram Christi Ecclesiam constituerint, hanc modo transisse ad Novatores jactant. Sed heu perfidia, & absurda vesania!

XLVI. Ecclesia enim non Angelorum, sed hominum est societas, quæ in externis, & visibilibus signis consistit. Est *civitas supra montem constituta, quæ certum signum hoc habet, quod abscondi non potest* (1); immo *facilius est solem extinguere, quam Ecclesiam deleri* (2); visibilis proinde semper fuit, & esse debet.

XLVII. Cum vero Ecclesia Romana ex dictis sit

(1) Aug. lib. 2. con. Lit. Petiliani cap. 104.

(2) Chrysost. Hom. 4. in cap. 6. Isaiæ.

fit vera Christi Ecclesia, perspicuum est dotem hanc illi soli vere, ac proprie ita congruere, ut inter omnes alias societates, per totum orbem singulari quadam, constanti, ac eminenti claritate, omnium tam filiorum, quam extraneorum oculis præfulgeat.

Quæ cum ita sint, nonnisi summam XLVIII. inscitiam ac temeritatem Novatorum mirari possumus, tam impudenter effutientium, Ecclesiam, qua parte est visibilis, aliquando defecisse, aut deficere posse: quasi Christus specialem sui assistentiam ei pluries pollicitus non sit; quasi portæ inferi adversus eam prævalere nonnunquam possint; quasi verum non sit, *Ecclesiam usque ad finem Mundi concuti quidem persecutionibus, sed nequaquam posse subverti; tentari, non superari (1).*

Ad tertiam Ecclesiæ dotem, quam auctoritatem volumus, properantes, hanc in Ecclesia extare, atque necessario admittendum esse controversiarum Fidei iudicem, concordēs Novatores habemus. Sed sciscitanti quisnam ille sit, incerti quo pedem figant, veluti spiritu vertiginis acti, crassis antilogiis se implicant, nuncque

* *

(1) Hieron. in cap. 8. Amos.

que Sacram Scripturam, nunc spiritum uniuscujusque hominis privatum, modo Principes Sæculares, interdum etiam Ecclesiam supremum controversiarum Fidei judicem statuissse novimus. Sed vae his Prophetis insipientibus, qui sequuntur spiritum suum, spiritum contradictionis, & nihil vident . . . divinant mendacium (1), non sapiunt veritatem.

- L. Scripturæ Sacræ equidem auctoritatem summam habemus, profunditatem veneramur, adeoque tanquam certam, & infallibilem Fidei regulam, normamque statuimus.
- LI. At mare est Scriptura Divina, habens in se sensus profundos, altitudinem Prophetarum ~~Enigmatum~~ (2), & , quoad legitimum sui sensum non est ubique locorum ita aperta, & perspicua, ut sola per se sufficiat ad lites componendas; quemadmodum experientia omnium ætatum comprobatum est, sed judice, & interprete indiget.
- LII. Ergo non ad Scripturas provocandum est, ubi agitur de Fidei controversiis; nec in his constituendum certamen, in quibus aut nul-

(1) Ezech. 13.

(2) Ambros. Epist. 2. alias 44. ad Constantium.

nulla, aut incerta victoria est, aut par incerta (1).

Num veto spiritus cujusque privatus, Litt. renuntiandus est vivus judex, qui tuto, quæ credenda sunt, definiat? Proh somniantium deliramentum! Quisnam in hoc systemate controversias unquam terminare posset? nonne quilibet Hæreticorum spiritum suum jactat, aliisque præponit? quis non diceret, reipublicam fuisse nullam stultius constitutam, quam Christi Ecclesiam? Ergo nolite audire verba Prophetarum, qui prophetant vobis; & decipiunt vos. . . visionem mendacem, & divinationem, & fraudulentiam, & seductionem cordis sui prophetant vobis (2).

Nec quoque audite eos, qui Principem Sæcularem, judicem controversiarum Fidei divinant. *Es quidem, o Princeps, Dei Minister*, eaque de causa gladium portas, *vindex in iram ei, qui malum agit* (3); tamen ne te rebus misceas Ecclesiasticis, non nobis his de rebus præcepta mandes, sed a nobis potius hæc edifcas. *Tibi Deus*

* * ij

Im-

(1) Tert. de Præscr. cap. 19.

(2) Jer. 23. & 14.

(3) Rom. 13.

Imperium tradidit, nobis Ecclesiastica concedidit. (1).

- LV. Quare, viam monstrante D. Augustino, atque dicente, Ego Evangelio non crederem, nisi me Catholica Ecclesiæ commoveret auctoritas (2), firmum, ratumque habemus, supremum controversiarum ad Religionem spectantium iudicem Ecclesiæ competere, eandemque solam ejusmodi esse.
- LVI. Et jure optimo. Nam Ecclesia, cui portæ inferi non prævalebunt (3), cui qui obedit, atque eam audit, Christum audit (4), & cui data est potestas docere omnes Gentes, & servare omnia quæcumque mandavit ei ipse Christus, nec non promissa jugis Spiritus sui assistentia, usque ad consummationem sæculi (5), Ecclesia, inquam, in rebus Fidei, & morum infallibilis est.
- LVII. Et quoniam duplicem Ecclesiæ partem aliam passivam, seu in credendo, aliam activam, seu in definiendo agnoscimus, utramque sic complectimur, ut veram Christi-

(1) Scribeb. Osus Episc. Cordub. ad Const. Imp. apud S. Athanas. Ep. ad Solitarios.

(2) Aug. Lib. contra Epist. Fundam. cap. 5.

(3) Matth. 16.

(4) Luc. 10.

(5) Matth. ultim. & Joann. 14.

Christi Ecclesiam laudatā infallibilitate gaudere propugnemus.

Verum illam incerrantiæ prærogativam, LVIII. quæ activa appellatur, universis tantum Episcopis, etli per totum Orbem dispersis, inesse, contra & veteres & recentiores nebulones sustinemus: neque enim Christus pollicitus est assistentiam suam consociationi corporum, sed animorum, & videmus Episcopos de aliis atque aliis temporibus, atque regionibus ab Oriente & Occidente congregatos non in locum, quo navigare cogantur homines, sed in Librum, qui navigare possit ad homines (1).

Quid? his tantum limitibus Ecclesiæ LIX. infallibilitatem coarctabimus? Nonne Apostoli & disciplinam generalem non diu duraturam (de qua agitur Act. 15.) præcipientes, dixerē, *visum est Spiritui Sancto, & nobis &c.*? Quis ergo hoc constanti Sancti Spiritus influxu nullo non tempore adjutam Ecclesiam in rebus generalis disciplinæ omnes afficientis præcipientem infallibilem non profiteretur?

Nec minus confidenter profiteri de- LX.

*** iij bet,

(1) Aug. lib. 2. contr. Julian.

bet, ipsam Ecclesiam in Beatorum Canonizatione non posse errori esse obnoxiam. In hoc cultum, & universalem, & ad mores spectantem agnoscimus: *quare, si in illis erraret Ecclesia, in moribus quoque graviter falleretur; nec differt Diabolum colas, aut hominem condemnatum* (1).

LXI. Atque hinc deducimus contrarium in mox laudata re sentientes, erroneitatis, temeritatis, scandali, simulque impietatis notam effugere haud posse, cum *insolentissima insania sit* (etiam) *disputare, an sit faciendum, quod tota facit Ecclesia* (2).

LXII. In celeberrimam hic, eandemque amplissimam, magnaue apud Orthodoxos ipsos ingeniorum contentione agitatam questionem incidimus, utrum scilicet Ecclesia sit infallibilis in censura librorum, seu in factis dogmaticis, & doctrinalibus. Antequam mentem nostram hac in re aperimus, Ecclesiam etiam in Conciliis congregatam damnasse hæreses, & hæreticos, pro certo habemus tum ex Conc. Nicæno (3) anathema denuntiante Ario, ejusque ne-
fa-

(1) Canus lib. 7. de locis cap. 5. conclus. 3.

(2) Aug. Epist. 118.

(3) Epist. Synod. ad Eccl. Alexand.

farizæ doctrinæ, quum etiam, cæteris prætermiſſis, ex Chalcedon. act. 6. ita damnante Nestorium, Eutychem, & Dioscorum: *Trinitas hos tres damnavit, Trinitas hos tres ejecit.*

Qua Ecclesiæ praxi, ac declaratione LXIII. confissi, pronuntiare non dubitamus, *pertinere ad puritatem fidei, atque doctrinæ, damnare hæreses cum suis auctoribus* (1), adeoque ipsam Ecclesiam, in factis dogmaticis esse falli nesciam.

In tanta luce Ecclesiæ, etsi per totum LXIV. orbem dispersæ, posita infallibilitate, veluti sua sponte fluit, consensum Episcoporum Romano Pontifici adhærentium in Fide speciatim, vel moribus, esse omnino infallibilem regulam Fidei.

Hinc quis non videt intolerabilem Ap. LXV. pellantium ad futurum Concilium superbiam, quasi non sufficeret consensus Episcoporum, dispersarumque Ecclesiarum? *Hæreticorum superbia, quæ tantum se extollit adversus Deum . . . hanc etiam captare gloriam intelligitur, ut propter illos Orientis, & Occidentis Synodus congregetur, idest totus orbis ob unius homunculi errorem, aut ambitionem commoveatur* (2).

* * iiii

His

(1) Leo scribens ad Syn. Chalcedon.

(2) Aug. lib. 4. ad Bonifacium cap. ultim.

LXVI. His, quæ hucusque exaravimus, bene perspectis, manifestum est, Ecclesiam ad instar corporis & quidem vivi, ut notat D. Aug. (1), se habere, constare scilicet anima, quæ supponit Spiritus Sancti dona, fidem, spem, charitatem &c., & corpore, quod importat externam fidei professionem, Sacramentorumque communicationem sub legitimis Pastoribus. Verum nos usitatam Sacræ Scripturæ, & Patrum phrasim sequentes, Ecclesiam simpliciter quoad corpus æstimamus, ejus membra esse, in eaque contineri intelligimus eos omnes, quos exterius ad ipsam pertinere cernimus. Homines enim sumus, de externis judicare debemus. Deus solus cordis scrutator est.

LXVII. Sed jam de natura atque essentia, notis, proprietatibusque hujus corporis seu Ecclesiæ cum jam satis egimus, ut de ejus membris agamus recta expostulat methodus. At mirum, qua in hoc quoque pugnandi, fallendique arte polleant Hæretici! Cum videant sustineri non posse, Ecclesiam Christi extendi ad omnes, & singulas baptizatorum sectas hæreticas, & salutem æternam restringi ad ipsam

(1) In breviculo collationis, collat. 3.

ipsam solummodo Romanam Ecclesiam, contendunt inde vel solos prædestinatos, vel solos justos perfectosque homines illam ipsam componere; ideoque cum in Romana Ecclesia sint etiam injusti, & peccatores, illam traducunt uti falsam, & meretricem Babylonem. Quis toleret impudentiam?

Non inficiamur quidem Prædestinatos LXVIII. omnes ad Ecclesiam referri; sed cum in externis Ecclesiam consideremus (LXVI), solos prædestinatos esse ejus membra Gregalibus Confessionis Augustanæ concedere non possumus. Sane *secundum præscientiam Dei, & prædestinationem, quam multa oves foris; quam multi lupi intus, & quam multa oves intus, quam multi lupi foris?* (1):

Quo semel constituto patet Prædesti- LXIX. natos omnes ad Ecclesiam quidem referri, non tamen singulos actu in Ecclesia supponi.

Quid de justis? Nonne Ecclesia reti com- LXX. patatur, qua pisces omnis generis colliguntur, & Arcæ Noeticæ, quæ omnium animalium genera suscipit, & Arcæ, quæ continet paleas simul cum tritico? Num verò
foli

(1) Aug. Tract. 45. in Joann.

solī iusti profitentur Fidem Christi, ipsique de Sacramentis participant? Ergo non solum iusti, & perfecti, sed etiam, etsi magni, peccatores adsunt in Ecclesia.

LXXI. Vah! Novatianorum, Donatistarum, atque etiam Lutheranorum Confessionis Augustanæ Systema, asserens Ecclesiam bonis tantum, iustis, sanctisque hominibus, qui Christo non solum fide, sed etiam charitate, & gratia sanctificante conjuncti sunt, constare!

LXXII. Vah! & illud Pelagianorum effutientium Ecclesiam in hac mortalitate ex iis tantum perfici, qui nullum omnino, nec leve quidem habent peccatum! *quasi non sit Christi Ecclesia, qua in toto terrarum orbe clamat ad Deum: dimitte nobis debita nostra (1).*

LXXIII. Occurrunt modo Hæretici occulti, de quibus quid sentiendum cum Aug. nōdum solvimus, qui Hom. 16. in Joann. ait: *Isti sunt numero, non merito: specie, non virtute: commixtione corporis, non vinculo spirituali: carnis adjunctione, non cordis socii unitate: utrumque verum, & ex nobis, & non ex nobis: secundum communionem Sacra-*

(1) Aug. lib. de Hær. cap. 88.

cramentorum ex nobis, secundum suorum proprietatem criminum, non ex nobis.

Idem sentimus de occultis Schismatici- LXXIV.
cis, qui omnes ex nobis exierunt, id est, ex Ecclesia exeunt . . . Si antequam exierent, non erant ex nobis; multi intus sunt, non exierunt, & tamen Anti-Christi sunt... Sic sunt in corpore Christi, quomodo humores mali (1). Ergo ad corpus & imperfecte dumtaxat, non ad animam Ecclesie pertinent.

Verum quamvis ita de Hæreticis ac LXXV.
Schismaticis occultis sentiamus, tamen satis mirari non possumus extitisse alios, oppositam viam tenentes, tam audaces Novatores, qui in ea Ecclesia, quam calumniari, & procaciter infectari non verentur, se contineri effutiunt. Quid enim magis unitati Fidei adversum quam hæresis? Omnes ergo publici, ac manifesti Hæretici Ecclesie membra nullo jure esse possunt.

Eadem animi firmitate Schismaticos LXXVI.
quoque publicos ac manifestos confodimus, atque a vera Christi Ecclesia sejungimus. Illi sunt, qui *deserta matre Catho-*
li-

(1) Aug. Tract. 3. in Epist. Joann.

lica, impii Filii dum foras exeunt, & se separant . . . a radice matris Ecclesia, invidia falcibus amputati, errando rebelles abscedunt (1).

LXXVII. Sejungit quoque a se Ecclesia & peccatores perversos juste excommunicatos excommunicatione majori, & per ipsam excommunicationem separat ab ovibus sanis ovem morbidam, ne per plures serpent dira contagia (2).

LXXVIII. Tandem venit oratio de non baptizatis, quorum alii Infideles, alii Cathecumeni nuncupantur. Primi Ecclesiae sermonem non receperunt, adeoque nec appositi sunt per Baptismum ad Corpus Christi, quod est Ecclesia, cujus de iis, qui foris sunt, non est judicare (3).

LXXIX. Cathecumeni vero, seu qui adhuc fidei doctrinam audiunt, & charitatem saltem inchoatam habent, affectu & animo Ecclesiae adhærent, detestantur infidelitatem, & per varia pietatis, & instructionis exercitia ad Baptismum, quem nedom susceperunt, disponuntur, etiam actu,

(1) S. Optatus, lib. 1. contra Parmenian.

(2) Aug. lib. de corrept. & grat. cap. 15.

(3) 1. Cor. 4.

actu, & perfecte inter vera Ecclesiæ membra haud connumerantur, tamen potentia, & initiative ad ipsam Ecclesiam pertinent.



DE

D E

SUPREMO ECCLESIAE CAPITE.

LXXX. **E**Cclesiam Corpus esse, habens præter sua membra, de quibus rem perfecimus, suum quoque caput, de quo modo acturi sumus, ex præactis omnibus manifestum est: Supremum vero, ac essentialē Ecclesiae caput esse Christum Dominum, quem Deus dedit supra omnem Ecclesiam (1), ut sit in omnibus ipse primatum tenens (2), quique eam per se instituit, gubernavit, rexitque, exploratum habemus (XV. XVII).

LXXXI. Ipsum vero Christum ex hoc mundo discessurum ad Patrem, aliud constituisse supremum, semperque visibile totius Ecclesiae caput, tanquam suum in terris Vi-

ca-

(1) Ephes. 1.

(2) Coloss. 1.

carium, qui propria dispositione, ac regimine oves gregemque custodiret, & regeret, unitatemque sua auctoritate, sublato omni schismate, omnique hæresi, fervaret, ne Ecclesia Christi, sua divina Sapiencia fundata, inordinata Babylon diceretur, item pro certo tueri debemus.

Petrus hujusmodi est inter duodecim unus electus, ut capite constituto schismatis tolleretur occasio (1); ipse enim est fundamentum totius Ecclesiæ, cum Petra, supra quam a Christo, quoad omnimodam sui perfectionem, ædificata est Ecclesia (Matth. 16.), Divus Petrus sit, & dici debeat. LXXXII.

Petro item vere, & principaliter claves a Christo traditæ sunt (Matth. 16.): ergo & suprema potestas in universam Ecclesiam. LXXXIII.

Tandem eidem Petro Christus (Joan. 21.) curam universalis Ecclesiæ commisit pascendi prius agnos, deinde oves, quia non solum Pastorem, sed Pastorum Pastorem cum constituit Omnium igitur Pastor est, quia præter agnos, & oves in Ecclesia nihil est (2). LXXXIV.

Stu-

(1.) Hieron. lib. 1. contra Jovin.

(2.) S. Eucher. Lugdun. Episc. in Serm. de Natal. Apost. Petri, & Pauli,

- LXXXV. ^{*} Stupidus ergo, & excors sit oportet, qui non agnoscat, planeque fateatur, jure divino S. Petrum primatu non solum ætatis, vocationis, charitatis, honoris, & ordinis, sed etiam auctoritatis, jurisdictionis, & dignitatis in universa Ecclesia positum fuisse.
- LXXXVI. Acatholici tamen stupiditatem suam malunt in conspectu tantæ veritatis de-tere, dum omnes Apostolos eandem prærogativam obtinuisse persuadere conantur, quam meridianam lucem nobiscum intueri. Miseri! Ergo sine ordine fuisset Apostolicus ordo, & Ecclesia Christi sine capite. Quare fateamur Apostolos omnes pares quidem fuisse ratione Apostolatus, ~~non tamen ejusdem cum S. Petro~~ auctoritatis, ac dignitatis.
- LXXXVII. Nec minus stupidos eos agnoscimus, qui Sanctos Apostolos Petrum & Paulum ita duos fuisse Ecclesiæ Principes comminiscuntur, ut inter ipsos omnimodam ponant æqualitatem sine Pauli subjectione ad Petrum in regimine universalis Ecclesiæ. Eccur ergo ipsemet Paulus Jerusalem se contulit, ut præ cæteris videret Petrum? *Quia os Apostolorum Petrus erat, Princeps, & vertex ipsius cætus* (1).

Vin-

(1) Chrysoſt, Hom. 37. in Joann.

Vindicata D. Petri suprema auctoritate hoc loci, disquirendum ducimus, num ipse aliquando Romæ fuerit, eamque Cathedralam fundaverit, & ad obitum usque rexerit, ut inde quid Romano Pontifici hereditario jure competat, videamus.

Antiquissimam, universalem, totque sæculorum consecratam traditionem de Romano D. Petri itinere, primus Marcellus Patavinus sæculo XV. vellicare ausus est. Incredibilis temeritas! Adeo firmis hæc traditio fulcitur argumentis, ut vel ipsorum Protestantium periti eam amplius non negent.

Atque iidem nos utentes armis aperta fronte tuemur, quod in urbe Roma Petrus, postquam Antiochenæ Sedis fundator ac rector extitit, Cathedralam Episcopalem Deo disponente collocaverit, fixeritque. Qua enim alia ratione Romana Sedes S. Petri Cathedra semper in Ecclesia Catholica appellata fuerit?

Postremo ipse *Simon Petrus* . . . Romam pergit, ibique viginti quinque annis Cathedralam Sacerdotalem tenuit usque ad ultimum Neronis annum . . . a quo & affixus Cruci, martyrio coronatus est, capite deorsum verso (1). Quid clarius de Petri in Roma-

ma-

mana Cathedra ad obitum usque per-
mansionem? Similia habet Tertullianus,
Lactantius, Eusebius, alii.

XCII. Hæc quum ita esse perspexerimus, pri-
matum D. Petro collatum a Christo, atque
juxta sui promissionem usque in finem
mundi duraturum, in alios Petro succe-
dentes jure divino derivare, ut in ante-
cessum positis recte insistatur, merito cer-
titudine Fidei propugnamus.

XCIII. Is vero, qui Petro in ipsius primatu
succedit, est Romanus Pontifex verus
Christi Vicarius, totiusque Ecclesiæ ca-
put, & omnium Christianorum Pater,
& Pastor, ut perpetua, atque constanti
Ecclesiæ traditione, Patrumque sententia
comprobatur.

XCIV. Verum ordinem successionis Romani
Pontificis, potius quam cujusque alterius
in Pontificatum Petri, non ex primaria
Christi institutione in Evangelio expres-
sa, sed ex facto Petri sedem Romæ fi-
gentis, vel supposito quod Petrus nul-
lam sedem particularem sibi unquam ele-
gisset, ex institutione Ecclesiæ, ortum
habuisse arbitramur.

XCv. Ergo in Romana Ecclesia ad providen-
dum unitati Ecclesiæ adversus Schisma-
ta, Fidei contra errores, disciplinæ con-

tra

tra morum corruptelas, *semper Apostolica Cathedra viguit Principatus* (1), qui non honoris tantum, sed & veræ jurisdictionis primatum supra omnes fideles, vel etiam Episcopos obtinet.

Absit ergo eorum opinatio, qui Romani Pontificis jurisdictionem supra Episcopos inficientes, omnem debitæ subjectionis ac dependentiæ nexum, qui inter Episcopos ipsos, Romanumque Pontificem ratione primatus hereditario jure in ipso transfusi, intercedit, abrumpere conantur. xcvi.

Episcopos quidem omnes, *qui pro Christo legatione funguntur* (2), debito honore veneramur, curamque etiam universæ Ecclesiæ ipsis commissam fuisse eo sensu profiteamur, quatenus charitatis vinculo unus alteri opem ferre debeat in ædificationem corporis Christi, & omnes simul non *divise* sed *collective* accepti universalem Ecclesiam gubernare, & unusquisque pro sua parte universalis Fidei puritatem custodire, juxta illud S. Cypriani: *Episcopatus unus est, cujus pars a singulis in solidum tenetur*, sed non parem cum xcvii.

(1) Aug. Epist. 162.

(2) 2. Cor. 5.

cum Romano Pontifice, aliis Episcopis jurisdictionem tribuimus.

xcviii. Immo, & libenter fatemur, Episcopos omnes Apostolorum esse successores, sed ratione tantum Episcopatus, non Apostolatus; adeoque ipsorum jurisdictio non in totum mundum, quam Apostoli auctoritate Apostolatus & extraordinaria exercebant, sed intra certos fines ac Dioceses circumscripta est, ut pascant, qui in illis est, gregem Dei (1), nec unus in alterius messem falcem immittat, ne Ecclesiae pax, & unitas turbaretur.

xcix. Quam quidem Episcopalem jurisdictionem, quæ ab eorundem Dioceseon attributione dimanat, exercere nequeunt, nisi ab Ecclesia, vel Romano Pontifice missionem legitimam, veramque ordinationem obtinuerint. Id recta Catholicorum ratio sentit, id vel Episcopi ipsi fateri debent, nisi velint cathedram adversus Cathedram erigere, vel a Cathedra Petri se tandem divellere.

c. Igitur Ecclesiae salus in summi Sacerdotis dignitate pendet, cui si non exors quædam, & ab omnibus eminens detur potestas unitatem, fidem, moresque tuendi, tor
in

(1) D. Petr. 1 Epist. 5.

in Ecclesiis efficiuntur Schismata, quot Sacerdotes (1). Qui aliter sentiunt, quique Vicarii Petri, & in eo Petri, & Christi decreta christiana contemnunt, quarant igitur alias Regni Cælorum portas, quia certe per illas non intrabunt, quorum claves Petrus Apostolus portat (2).

(1) Hier. in Dial. advers. Luciferianos.

(2) S. Anselmus Cantuar. Episcop. Præf. ad lib. de Incar. Verbi, Urb. 11. nuncup.



D E
C O N C I L I I S.

- CI. **D**e Conciliis Ecclesiæ novissimo acturi loco, illud in antecessum constitutum volumus, juxta communem loquendi modum, Concilium vocari Congregationem Prælatorum Ecclesiæ legitima auctoritate convocatorum ad tractandum de rebus Ecclesiæ gravioribus. Quare si ex una Diocesi fiat, *Diocesenum*; si ex una Provincia, *Provinciale*; si ex integra Natione, *Nationale*; si tandem ex toto Orbe, *Œcumenicum*, seu *Generale* Concilium appellatur. De Œcumenicis tantum, quæ sola ad Fidem, & ad totam Ecclesiam spectant, sermonem ita instituimus, ut brevi numero, quoad fieri poterit, ne plus æquo longiores simus, omnia complectemur.
- CII. Cumque ex Cypriano (1) Ecclesia sit
in

(1) Epist. 69. ad Pupianum.

in Episcopo, & si quis cum Episcopo non est, in Ecclesia esse non possit, consequens est, Ecclesiam in Conciliis Œcumenicis repræsentari.

Ecclesiæ totius, quæ a Solis ortu, us- ciii. que ad occasum extenditur, Caput, Pastor, & Princeps est tantum Romanus Pontifex (XCIII). Eidem ergo sicuti divino jure competit potestas regendi Ecclesiam, ita & convocandi universalia Concilia.

Quare ipso Pontifice invito ac relu- civ. tante, nec ullo modo convocationi ab alio factæ saltem consentiente, Concilia, exceptis casibus extraordinariis, celebrari non possunt.

Figmentum est ergo illud Novatorum cv. effutientium, jus convocandi Concilia Generalia ad Principes Sæculares pertinere. Num ipsorum est spiritualiter gregem pascere, aut spirituales auctoritatem supra totius orbis Episcopos exercere (cum temporalis ipsa eorum potestas extra ditionem suam non extendatur), aut controversiis Fidei se se immiscere?

Celebrantur autem Concilia aliquo Præ- cvi. fide. Quid Novatores? ut Romano Pontifici vim omnem surripiant, jus præsendi Conciliis Imperatoribus, aut aliquo co-

eorum auctoritate misso tribuunt. Immane commentum! Romanus Pontifex ex Divina institutione primatum obtinet in universa Ecclesia (XCV.); solius proinde Pontificis Romani est proprie de jure vel per se, vel per suos Legatos, Conciliis præsidere.

- CVII. Sed quinam ad Concilia convenire debent? Aliqui Novatorum eo infantiæ deveniunt, ut doceant omnes etiam apparitores, & carnifices *Divino jure* ad Concilia pertinere, ac posse in iis, ut *Fidei Judices*, & disciplinæ Statores, una simul cum Episcopis sedere. Sed absit impudentia omnibus retroactis sæculis inaudita!
- CVIII. Alii, qui Catholici esse volunt, hoc probrosum esse agnoscētes, jus istud secundi Ordinis Sacerdotibus, maxime Parochis tribuunt. Procaces homines! ad antiquitatem semper appellant, & doctrinam toti antiquitati prorsus ignotam magnifice usque ad cælos exalrant.
- CIX. Catholicum ergo dogma est, Episcoporum tantum, quos Spiritus Sanctus posuit regere Ecclesiam Dei (1), esse, de jure convenire ad Concilia, atque in iis
jure

(1) Act. 20.

jure & quidem Divino. decisivum suffragium ferre.

Veruntamen Cardinales, etsi non Episcopi, aliqui Abbates, ac Generales Ordinum, jure quodam ac privilegio, ut factum est etiam in Concilio Florentino, in iis decisivum votum habent. Interveniunt & alii, sed tantum vel ut Consultores, vel ut Defensores, vel ut Ministri.

Etsi vero Episcoporum tantum sit Concilium, tamen ut omnes omnino totius orbis intersint, frater exemplo omnium Conciliorum, nullam necessitatem esse sustinemus.

Quare ut *Ecumenica* rite censeatur Synodus, sequentia summam in unum collecta requiri volumus, scilicet, ut convocatio sit generalis, omnibus saltem majoribus Ecclesie Provinciis innotescens, nec ullus Episcoporum, nisi iusta de causa, excludatur; ut tot sint, quot ad ceteros repræsentandos sufficiant, ipsique gaudeant libertate suffragiorum (immo omnibus vel ipsis Hæreticis datur libertas, opiniones suas proponendi, ac tuendi); ut veritas cum debita diligentia inquiratur, juxta illud Act. 15: *cum autem magna conquisitio fieret; utque tandem Romani Pontificis aucto-*

toritate, ac chirographo sit confirmatum; nec enim ullum Concilium est, cujus Patres more Nicænorum Romanum Pontificem ita non alloquantur: *quid quid constituimus in concilio Nicæno, pretemur vestri oris consortio firmetur.*

CXIII. Hæc audientes, furentes insurgunt Vetusatum Prædicatores, atque pro legitimo Generali Concilio nunc consensum ab universo Fidelium corpore in *solidum* requirunt, nunc de sufficienti Episcoporum convocatorum numero dubitant, nunc eos, qui Concilio interfuere, non satis de Ecclesiarum, quatum Episcopi sunt, traditionibus instructos fuisse suspicantur, ac sexcenta alia, quæ piget referre. ~~Heu miseri mortales!~~ Cur tot morositates, totque sapientes dubitationes? Forsan ne tam facile eorum doctrina, quæ vetera destruit, & nova non custodit, unquam damnari posse videatur? Divinent sapientiores.

CXIV. Nos tamen omni jure propugnamus, quod *eis, qui in Ecclesia sunt, Presbyteris*, multoque magis Laicis, absque ulla morositate, ac dubitatione obaudire oportet, *his, qui successionem habent ab Apostolis, qui cum Episcopatus successione charismata veritatis secundum beneplacitum Patris*

acceperunt (1). Nam Concilia legitime juxta expositum a nobis sensum celebrata, in definitionibus ad Fidem, & ad mores pertinentibus errare non possunt: Ecclesiam repræsentant, quæ est columna, & firmamentum veritatis.

Ast licet Conciliorum infallibilitatem^{CXV.} tueamur, tamen iis subscribere haud possumus, qui absolutam Conciliorum necessitatem eo tortassis consilio prædicant, ut cum damnatos se ab Apostolica Sede viderint, ad futurum Concilium, ut ad summum Tribunal Ecclesiæ appellent: quasi novis in dies insurgentibus hæresibus novisque opperita Ecclesia impiorum machinis, etsi in Conciliis non sit congregata, portæ inferi prævalere possent adversus eam: quasi nulla Hæresis aliquando, nisi Synodi congregatione, damnata sit, cum potius rarissimæ inveniuntur, propter quas damnandas necessitas talis (convocandi Concilium generale) extiterit: multoque sunt, atque incomparabiliter plures, quæ ubi extiterunt, illic (Romæ) improbari, damnarique meruerunt, atque inde per cæteras terras devitandæ innotescere potuerunt (2). Atque hæc hæc hactenus.

(1) Iren. lib. 4. cap. 26.

(2) Aug. lib. 4. ad Bonif. cap. 12.

160

*Dum hac disputabantur Patavii in Templo
S. Francisci Magni, 1799. Mense
Julio Die 26 Hora 3¹ Cathedram moderabantur P. P. Philippus a
Mostar, Joannes Baptista a Clarano,
& Augustinus a Fojnicza S. Theol.
Lectores Generales.*

1. The first part of the paper discusses the
2. importance of the study of the history of
3. the world, and the need for a more
4. comprehensive and accurate knowledge
5. of the world's history. It is argued that
6. the study of history is essential for
7. the development of a more just and
8. equitable world, and for the
9. understanding of the present and the
10. future. The paper then discusses the
11. various methods of studying history, and
12. the importance of the study of the
13. history of the world, and the need for
14. a more comprehensive and accurate
15. knowledge of the world's history.